

North Sotho - Phološa Mangwalo - Salvation Scriptures

Basfeso 2:2 le be le ile le tšona ka mokgwa wa lefase leno, le bušwa ke mmuši wa mmušo wa sebakeng, ke moyo wo mehleng yeno o dirago ka maatla mo baneng ba go se kwe.

Mateo 6:10 mmušo wa gago a o tle; thato ya gago a e dirwe mono lefaseng bjalo ka ge e dirwa legodimong;

Luka 22:42 A re: Tata! Ge o ka rata, šuthiša senwelo se se mphete. Fela, go se dirwe thato ya ka, go dirwe ya gago.

Johane 16:7-9 Gomme ke le botša therešo ge ke re: Go a le hola ge ke tloga. Gobane ge ke sa tloge, Molwedi a ka se tle go lena. Fela, ge ke ya, ke tlo mo roma a tla go lena. 8 Gomme yena e tlo re ge a tlile, a tlo lemoša lefase se e lego sebe, le toko le kahlolo. 9 O tlo le lemoša ge sebe e le go se ntumele.

2 Timotheo 2:10 Ke ka baka leo ke kgotlelelago ke direla bahlaolwa, gore le bona ba bone phološo ka Jesu Kriste le letago le le sa felego.

Baroma 15:20,21 Ka tsefelwa ke go iša Ebangedi mo go sešogo gwa bolelwa tša Kriste, gore ke se tle ka aga mo go theilego e mongwe; 21 ka re go ye ka lengwalo le le rego: Ba tlo bona tše ba sešogo ba di botšwa; ba tlo lemoga tše ba sešogo ba di kwa.

Ditiro tša Baapostola 2:36,37 Ke gona, moloko ka moka wa Isiraele a o ke o tsebe ruri, gore Jesu eo le mmapotšego, ke yena yo Modimo a mmeilego a ba Morena, a ba yena Kriste. 37Ge ba ekwa tše, tša ba hlaba dipelo, ba botšiša Petro le baapostola, ba re: Banna ba gešo, re tlo dirang?

Bahebere 4:2 Gobane taba e botse yeo, le rena re e boditšwe bjalo ka bona. Fela, bona lentšu le ga la ka la ba thuša selo ka ge le sa ka la hlakana le tumelo ya bakwi ba Iona.

Jeremia 24:7 Ke tlo ba nea pelo ya go ntseba, ge Morena e le nna. Bona e tlo ba setšhaba sa ka, nna ka ba Modimo wa bona; gobane ba tlo ba ba boetše go nna ka pelo ka moka.

Ditiro tša Baapostola 16:14 Mosadi e mongwe yo leina la gagwe e lego Lidia, morekiši wa purapura, wa motse wa Tiatira, motho wa borapedi, le yena a theetša. Morena a bula pelo ya gagwe,

mme a kwa tše Paulo a di bolelago.

Mateo 13:14,15 Go bona go phethega porofeta ya Jesaya ye e rego: Go kwa le tlo kwa, mme le ka se hlaloganye; go bona le tlo bona, gomme le ka se lemoge. 15 Gobane pelo tša setšhaba se di retetše; tsebe tša bona di thibetše; ba foufetše mahlo. Ba ka se hlwe ba bona ka mahlo, ba ka se hlwe ba ekwa ka ditsebe, ba ka se hlaloganye ka dipelo, ba ka se ke ba sokologa ka ba phološa.

Jesaya 6:9,10 Yena a re: Sepela, o bolele le setšhaba se, o re: Go kwa le tlo kwa, mme le ka se hlaologanye; go bona le tlo bona gomme le ka se lemoge. 10 Retetša pelo tša setšhaba se, tsebe tša bona di thibane; o se foufatše mahlo, gore ba se hlwe ba bona ka mahlo, gore ba se hlwe ba bona ka mahlo a bona, mme ba se hlwe ba ekwa ka tsebe tša bona, ba se ke ba hlaloganya ka pelo tša bona, gore ba se ke ba sokologa ba fodišwa.

Mareka 4:11,12 A fetola a re: Lena le filwe go tseba dithopa tša mmušo wa Modimo; bao ba ntle, tšohle ba di botšwa ka diswantšho, 12 gore go bona ba bone, mme ba se lemoge; go kwa ba kwe, mme ba se hlaologanye; gore ba se ke ba sokologa ka ba lebalela.

Johane 12:39,40 Ke ka baka leo ba šitilwego go dumela, gobane mo gongwe Jesaya o boletše a re: 40 O foufaditše mahlo a bona, a thatafatša dipelo tša bona, gore ba se hlwe ba bona ka mahlo, ba se ke ba hlaologanya ka pelo, ba se ke ba sokologa ka ba fodiša.

Baroma 11:7,8 Go reng bjalo? Se Baisiraele ba se phegeletšego ga ba ka ba se fihlela. Se fihletšwe ke bahlaolwa; ba bangwe ba retetšwa. 8 Gwa phethega tše di ngwadilwego tša re: Morena go fihla bjale o sa ba neile pelo ya boroko, le mahlo a go se bone, le ditsebe tša go se kwe.

2 Bathesalonika 2:10,11 Ke yena wa go tla ka phapošo e tletšego ya dibe, a fapoša balahlegi ka ge ba ganne go rata therešo ya go ba phološa. 11 Molato ke wona woo ge Modimo a ba lesitše ba tšewa ke maatla a phoro, a ba lesa ba yo dumela maaka,

Mateo 13:18-23 Lena bjale kwang seswantšho sa mobjadi. 19 Motho e a kwago Lentšu la mmušo wa magodimo a sa le kwišiše, yo Mobe o a tle a ubule tše di bjetšwego pelong ya

gagwe. Ke yena mobjalwatseleng. 20 Mobjalwalekgwareng ke eo, e rego ge a ekwa Lentšu, a akgofa a le amogela ka thabo. 21 Fela, ga a na medu mo pelong ya gagwe, ke wa lebakanyana fela. Mohla go tsoga tlhokofatšo le tlaišo ka baka la Iona Lentšu, o tloga a ngala. 22 Mobjalwametlweng ke e a kwago Lentšu, mme la bipja ke dipelaelo tša bophelo bjono le bofora bja lehumo, yena a opafala. 23 Mobjalwammung o botse ke e a kwago Lentšu a kwešeša, a kgona a enywa dienywa; e mongwe a tšwa lekgolo, e mongwe masome a selelago, e mongwe masome a mararo.

2 Bakorinthe 3:15,16 Fela, le lehono ge go balwa mangwalo a Moshe, seširo seo se dutše se apešitše dipelo tša bona. 16 Seširo seo se tlošwa ge ba sokologela go Morena.

Jesaya 30:28 Mohemo wa gagwe o etša mafula a noka a gomago ka mogolo. O lotša ditšhaba ka leselo la go šwalalanya; dilete o di swere ka mogala wo o timetšago.

Hosea 11:3-7 Mola e le nna ke bego ke tataidiša Efuraimi, ke mo swere ka diatla, mme bona ba se tsebe ge ke le Moreku wa bona. 4 Ka mo goga ka mantu a setho, ka lerala la lerato. Se ke ba dirilego sona e be e le go ba rola joko molaleng, ka inama ka ba nea dijo. 5 Nageng ya Egipita a ka se ke a boela. Kgoši ya bona ke Asuri, ka gobane ba ganne go boa. 6 Metse ya bona e tlo dikologwa ke lerumo; le tlo thokga mapheko la a metša, gwa pala maano a bona. 7 Tšhaba sa ka se lemetše go ntłhanogela; ge o ba bitša wa re ba tsoge, ga go tsoge motho.

Ditiro tša Baapostola 26:18 Wa tlo ba budulola mahlo, wa tlo ba gomiša ba tšwa leswiswing ba tla seetšeng, ba tšwa maatleng a Sathane ba tla go Modimo; ba tle ba lebalelwé dibe, ba je bohwa le ba ba kgethegilego ka go dumela nna.

2 Timotheo 2:24-26 Mohlanka wa Morena ga a swanelwa ke dintwa. Se se mo swanetšego ke ge bohole a ba dira ka botho, ge e le moratabatho, mokgotlelelabošula. 25 Bangangi o ba eletša ka boleta, gore mohlomongwe Modimo a ba nee tshokologo, ba tle ba lemoge therešo. 26 Mohlomongwe ba tlo hlabologa ba phonyokga digole tša Diabolo tše a ba tantšego ka tšona, gore a ba diriše se yena a se ratago.

Kutollo 3:17-19 Gobane o re: Ke mohumi, ke ruile! Ga ke hloke selo! -- mme ga o tsebe ge o le yo madimabe, ge o nyamiša, ge

o le modiitšana, ge o le sefofu, ge o hlobotše. 18 Ke go eletša ke re: Reka go nna gauta ye e tšwago meubeng o hume; o reke le aparo tše ditšhweu o apare, gore hlong tša gago di se bonwe; o reke sehlare sa go tlotša mahlo ago, o tle o bone. 19 Nna ba ke ba ratago ke a ba sola, ke a ba etetša. Phafoga ge o sokologe.

2 Bakorinthe 7:10 Gobane nyamo ye Modimo a e ratago e tliša tshokologo e išago phologong; ke nyamo ye e sa šegamišego. Nyamo ya lefase yona e tliša lehu.

1 Dikoši 18:37 O ko arabe, Morena! Araba, gore setšhaba se se tsebe gore Modimo ke wena Morena; gore o sokolle dipelo tša bona.

2 Bakorinthe 4:4 Ke ba ba sa dumelego, ba modimo wa lefase le o foufaditšego dipelo tša bona, gore ba se bonegelwe ke lebone la Ebangedi ya letago la Kriste, yena seswantšho sa Modimo.

Luka 8:11-15 Ge e le seswantšho, sona sese: Peu ke Lentšu la Modimo. 12 Ba tseleng, ke bao ba kwago, mme gwa tloga go etla Sathane a tloša Lentšu dipelong tša bona, gore ba se ke ba dumela ba phološwa. 13 Ba lekgwareng ke bao, e rego ge ba kwile Lentšu, ba le amogela ka thabo; gomme ke ba ba se nago modu, ke ba go dumela lebakanyana fela, ba hlanoga mohla wa moleko. 14 Tše di wetšego metlweng, ke ba ba rego ge ba kwile Lentšu, ba ya ba imetšwe ke dipelaelo le mahumo le mabose a bophelo bjono, ba bipja ke tšona ba se buduše selo. 15 Tša mmung o botse, ke ba ba kwilego Lentšu ba le lotola pelong e botse le e bolo, ba kgotlelela ba Bea dienywa.

Ditiro tša Baapostola 15:11 Gomme re dumela go phologa ka kgaugelo ya Morena Jesu Kriste. Le bona a ba realo.

Baroma 8:13 Gobane ge le ya ka wona mophelelo wa nama, sa lena e tlo ba go hwa; gomme ge maitirelo a nama le a bolaya ka Moya, gona le tlo phela.